

四明叢書

第四集

四明張氏約園開雕

第四集

四明叢書第四集總序 集古語

天地閒氣運有否泰若四時寒暑之代嬗古今治亂之

循環歷代君子小人之進退與夫賢人君子斯道之興

替莫不各有其時非偶然也 陳敬宗重建慈湖書院碑記 宋乾淳閒

鴻儒輩出 黃翔龍慈湖書院記 吾鄉翁南仲始從胡安定遊高抑

崇趙氏民童持之從楊文靖遊沈公權從焦公路遊四

明之得登學錄者自此日多淳熙四先生出大昌聖學

於句餘閒其道會通朱子張子呂子而歸宿於陸子四

先生立身居官大節巋然 全祖望淳熙四先生祠堂碑文 學問之源窒

四明叢書 第四集序 一 四明叢書

而復通者 袁燮舒文靖祠記 四先生之功也 王應麟九先生祠堂記 於是

樸學之士各以心得著書立說達而在上者鼓吹休明

潤色鴻業窮而在下者亦獨抱遺經藏之名山傳之弟

子 陳康黼古今文派述要 自顧庸淺何能發揮 錢時楊慈湖行狀 然篤而

論之先民敬率備至 楊承鯤答永嘉劉忠甫書 示之以言行規矩俾

觀感於精神之妙 舒璘答葉養源書

舒璘字元質一字元賓楊文靖公弟子也又與其兄琥

弟琪同受業陸子之門 宋元學案本傳 朱熹呂祖謙講學於婺

璘徒步往謁之以書告其家曰敝牀疏席總是佳趣櫛

風沐雨反爲美境

宋史本傳

乾道壬辰中進士第擢信州教

授充江南西路轉運司幹辦公事載遷教授新安時世

故紛糅國病於需民艱於食於是議常平商鹽政經荒

策論保長凡爲書若干章上之刺史守尉採而試之效

輒響應是爲天下第一教官乃擢令平陽三載考績遷

宜州通判元質以仕路頗榛拜命便歸

楊簡舒元質墓誌銘

樂於

教人嘗曰師道尊嚴璘不如叔晦若啓迪後進則璘不

敢多遜袁燮謂璘篤實不欺無毫髮矯僞楊簡謂璘孝

友忠實道心融明樓鑰謂璘於人如熙然之陽春

宋史本傳

四明叢書

第四集序

二四明叢書

約圖刊本

所著有詩學發微詩禮講解廣平類彙

宋元學案本傳

詩禮講

解作於教授新安時今佚

宋元學案馮雲濠案語

黎洲始求得廣

平類彙殘編

宋元學案全祖望案語

沈煥字叔晦世居定海中徙鄞祖主簿公經行修明考

簽判君嘗聞道於焦先生授指伊洛隆於教子諸子皆

修飭

袁燮沈公行狀

先生少卽潛心經籍精神靜專

宋元學案本傳

鄉校刻志問學齋前有竹甚茂每於竹叢中讀書音韻

洪暢祁寒襪無絮則小籃貯故紙用以溫足方其仕上

虞也一尉之卑發爲問目深嗟理學不明風俗頹靡於

是以扶植公議爲主及爲學官謂立朝而道不行赧然動於中者今可謂無人蓋將以啓宰相而下愧恥之心

耳袁肅贈沈智甫序

先是舍法取士行藝優劣一決於試欲參

以譽望司業難之持議如初

袁燮沈公行狀

淳熙十年八月庚

戌以史浩爲太保魏國公致仕

宋史

御賜竹洲一曲壽皇

爲書四明洞天之闕忠定最與端憲厚故割宅以居之

全祖望竹洲三先生書院記

又延文元於碧沚袁正獻公時亦來預

湖上四橋遊人如雲而木鐸之聲相聞

全祖望揚文元書院記

呂

忠公監苗米倉在城東每訪端憲昆仲泛棹湖上入竹

四明叢書

第四集序

三四明叢書

洲講學討論竟日

徐光詩四明談助

性輕財常誦李趙公之言

曰錢盡再來幾事一失不可復得嘗作詩箴其友曰爲

學未能識肩背讀書萬卷空亡羊每稱陶靖節讀書不

求甚解會意欣然忘食此真善讀書史籍傳記采取至

約復與東萊呂公伯仲極辨古今始知周覽博攷之益

凡世變之推移治道之體統明君賢臣之經綸事業學

藝講求日益深廣

袁燮沈公行狀

嘗曰晝觀諸妻子夜卜諸夢

寐兩者無愧始可言學

袁燮言行編

學兼得明招一派

全祖望竹

洲三先生書院記

所著有定川集五卷

宋元學案木傳

四先生之遺文

惟沈集爲絕不可見

宋元學案全
祖望案語

王梓材葺沈定川文

集

鄞藝
文志

今雖散亡之餘以次收合成是編焉

袁鈞鄰氏
佚書序

慈湖易傳詩傳先聖大訓已著錄

見叢書第一
集第三集

宋史本

傳有甲稿乙稿諸目直齋書錄解題子部載慈湖遺書

三卷集部載慈湖甲稿二十卷馬氏通攷仍之以慈湖

甲稿爲慈溪甲稿是遺書與甲稿各爲一書也今所存

遺書十八卷

慈谿藝文
志案語

自六卷以前爲雜文及詩七卷

至十六卷爲家記皆雜錄論經史治道之說十七卷紀

先訓十八卷乃錢時行狀及眞德秀跋又編雜文一卷

四明叢書

第四集序

四明叢書

及孔子閒居解一卷於後謂之續集

清四庫
總目

明周廣編

見遺書周
廣後序

馮可鏞重梓之增補編一卷

見馮可鏞
重刻目先生

之學受之庭訓悟之扇訟而大有得於靜觀體會之餘

求諸心之精神則曰聖在是見孔子絕四口無意則欲

不起念自謂學者舍是皆第二義也故其鞭辟處如捍

強敵一至融液脫落殆晴雲麗空舒卷自如而光風化

日有莫測其端倪者

周廣慈湖
遺書後序

袁燮字和叔乾道初入太學陸先生九齡爲學錄亟親
炙之如沈公煥楊公簡舒公璘亦皆聚於學範物以躬

處事有法公進祭酒謂邇年士氣不振皆由本心無所
興起而尸教養者有推沮無開導以故日就頽靡每延
見諸生必迪以反躬切己之學常病世之學者徒知襲
先儒緒言通遺經訓釋而未能自得於心不足以爲學
吾心卽道不假外求忠信篤實是謂道本聞者竦然有
得真德秀袁正素尚名節學有體用毛詩經筵講義四
卷乃其爲崇政殿說書時撰進之本宋自南渡以後國
勢孱弱君若臣皆懦怯偷安無肯志存遠略而變獨以
振興恢復之事望其君經幄敷陳再三致意清四庫
總目

四明叢書

第四集序

五

四明叢書

約園刊本

絜齋嘉猷讜論無不卓然可紀清四庫總目毛詩
經筵講義案語惟絜

齋集二十六卷後集十六卷見於書錄解題者明初尙
有其本今據永樂大典以類排纂并爲一集勒成二十

四卷而以燮子甫所作序一篇附之用存其舊云清四
庫總

目絜齋
集案語延祐四明志寶慶會稽續志咸淳臨安志上虞

志四明獻徵至正四明續志象山先生文集鮎埼亭集

桃源戴氏譜蛟川沈氏譜正獻公
遺文鈔採掇頗多厥後漸就

散亡清四庫總目
絜齋集案語二十一世孫袁士杰輯正獻遺文二

卷正獻公
遺文鈔歷劫猶存芒寒色正全祖望跋正獻
公與舒和仲帖

戴埴字仲培桃源人

清四庫總目

持節將漕鄞縣志附祖機

字伯度紹熙初以特恩補官金華主簿父燧亦進士見

攻媿集戴機墓志兄墳紹定五年進士官大府卿埴嘉

熙二年進士見寶慶四明志王伯厚戴氏桃源世譜引

鄞縣戴機傳及陸心源儀顧堂題跋

鼠璞一卷題曰戴埴仲培父宋刻小

字本

儀顧堂題跋

書中楮券一條歷陳慶元開禧嘉定之弊

考證經史疑義及名物典故之異同持論多爲精審如

論彭祖房中太公陰謀蘇軾非武王立說皆正大其他

辨正如謂詩序絲衣篇引高子靈星之言知有講師附

四明叢書

第四集序

六四明叢書

約園刊本

益之類皆確實有據其曰鼠璞者蓋取周人宋人同名

異物之義

清四庫總目

案埴鄞縣人鄞有桃源鄉宋張卽之

居之著有桃源志戴氏亦世居之乃鄉名非縣名也新

修鄞縣志采摭甚備埴附機傳而不知卽著鼠璞之戴

埴進士表旣無其名藝文志亦無此書亦缺典也

儀顧堂題

跋

錢塘書肆陳起能詩凡江湖詩人俱與之善有江湖後

集其人爲前集所未有者凡四十八人

清四庫江湖後集案語

埴

詩多仿月蝕雪車之作非拘拘四靈者也諭鶴文云觀

子之心飄飄行路九皋摩空萬里籥雲懼昭質之織夷
曠一飽之靡安兮矧上征乎崦嵫噉唳四起悲聲徹天

修辭慰藉一語莫宣

江湖後集

王深寧四明文獻集已著錄

見叢書第一集

困學紀聞二十卷

元時嘗有刻本牟應龍袁桷各爲之序卷端題語鉤摹

手書

清四庫總目

曰幼承義方晚遇藉屯炳燭之明用志不

分困而學之庶自別于下民開卷有得述爲紀聞深寧

窅識右三十八字乃尙書親筆

困學紀聞閻若璩注

蓋晚年所著

也於漢唐則取其核於兩宋則取其純

元祐困學紀聞識

顧其

四明叢書

第四集序

七四明叢書
約園刊本

援引書籍奧博難以猝得來歷太原閻百詩先生長洲

何義門先生鄞縣全謝山先生評註久已刊行

元祐困學紀聞

凡例姚江翁太常鳳西先生嘗輯閻何全諸家之說

胡敬

困學紀聞序黃岡萬氏集證卷中亦多採錄因刻之存於家

塾

元祐困學紀聞自序

先大夫喜讀宋儒書大氏以研窮義理

不立朱陸門戶爲主惟於困學紀聞致力尤深參攷互證

所得多出全翁諸家之外如易貴未然之防引宋劉荀

明本釋陽盛陰生引宋袁質甫夔牖閒評觸類引伸意

在厚集其說不第以該博爲長

陳培庚撰先大夫傳

丁鶴年字永庚

定海志本傳

西域人也性狷介窮經博史尤

工於詩自其祖入中夏世爲顯官

烏斯道丁鶴年甫十

歲屹然如成人其族素短喪獨服斬衰三年母歿鹽酪

不入口者五年兵亂生母馮阻絕疾死瘞東村廢宅中

慟哭行求夢其母以告嚙血沁骨斂而葬焉人皆以爲

孝感所致以從兄吉雅謨丁爲定海令往依之薦章凡

九上皆辭不受嘗曰凡爲清士當以廉爲主義爲輔和

爲衛三者備庶可免於今之世矣凡平日憂憤歡愉皆

發之於詩古體短行渾厚清麗尤工七言律所著有海

四明叢書

第四集序

入

四明叢書

巢集行世

定海志本傳

賀欽字克恭別號醫閻世縣定海其先戍廣寧後屯爲

遼西人少穎敏沈厚好學偶得近思錄朝夕翫讀成化

二年舉進士爲戶科給事中見白沙論學歎曰至性不

顯寶藏猶靈世卽我用而我奚以爲用卽日上疏解官

去執弟子禮事白沙薦授陝西參議不務博覽專獨五

經四書小學靜思默識反身實踐

明史本傳構小齋讀書其

中隨事體念未得其要潛心玩味杜門不出者十餘年

乃見實理充塞其閒化機顯行莫非道體事事物物各

具本然實理吾人之學不必求之高遠在主敬以收放心勿忘勿助維其所謂本然實理而已

明儒學案

醫閣集九

卷乃其子士詒蒐輯遺藁竝生平言行都爲一集前三卷爲言行錄四卷至七卷爲存藁皆雜文第九卷爲詩

藁文章雖多信筆揮灑而仁義之言藹然

清四庫總目

張琦字君玉年十二能屬對弱冠遊學吳楚閒每讀書至夜分與其徒吸水噴面醒則又讀弘治十二年第進士授南大理評事歷陞寺副正德十年知興化府爲治好清靜守郡六年稱爲文章太守陞左參政致仕歸二

四明叢書

第四集序

九四明叢書

約園刊本

十年惟以林泉雲鳥爲樂操行廉白家無遺財號曰白齋先生自少至老刻意攻詩嘔心琢腎力去陳言甬上

詩人有明二百餘年推琦第一

鄞志本傳

白齋集十卷徐興

公書目作九卷白齋竹里集七卷文略一卷

鄞藝文志

自序

稱守莆陽日旣梓平生所作積數年又得若干首有相知君子贊余續梓文藁姑芟披數十篇附詩之後此則歸田後所刻續集也

清四庫總目

嘗曰夢魂相接多在雪蒼

雨碧之下谷答風響相和應亦微哉

白齋集自述

陳槐字公輔號半湖慷慨任天下事登弘治十八年進

士正德四年知松溪縣陞刑部主事十三年用薦起知撫州宸濠反槐已在告五十日丞久攝事眾人趣槐曰可以行矣槐奮起曰國家有急若以解官爲辭臣罪當死卽出縛濠使斬之手焚僞檄於通衢請都御史王守仁節制願爲掎角迎擊宸濠湖上追至九江賊望風遁遷江西按察副使守仁使押發宸濠詣行在張永得內外官交通宸濠姓名槐力陳史載光武燒吏人交關王郎書使反側子自安宜遠法光武永取篋中交通書籍焚之御史楊材者有宿憾乃論槐坐落職及守仁督兩

四明叢書 第四集序

十四明叢書

約圖刊本

廣復薦槐已而守仁被誣竟不得直居閒二十餘年論

古今事變成敗鑿鑿如指掌

鄞志本傳

聞見漫錄二卷鄞獻

表作見聞漫錄

鄞志文志

爲卷凡二爲類凡十九爲文有隱

有顯有詳有略有褒有貶有諷有刺有勸有懲

張子瑄聞見漫

錄序

陳沂初字宗魯後改魯南號石亭十歲能詩十二歲著

九墨辨正德十二年舉進士改庶吉士除編修嘉靖六

年以見忤張璁出爲江西參議樂於惠民備設科條以

杜奸完賦進山東左參政改山西行太僕卿歸築遂初

齋杜門著書絕意世事少好蘇氏學自號小坡文采照
映一時初與顧璘王韋號金陵三俊其後寶應朱應登
繼起稱四大家與李夢陽何景明徐禎卿邊貢應登璘
鄭善夫康海王九思號十才子

鄭志
本傳

鄭藝文志集部錄

一卷

鄭藝
文志

余本字子華號南湖終日危坐讀書夜則焚膏以繼凡
天文地理鍾律象數悉研其奧於正蒙尤深妙契嘗言
人對聖賢書則心氣定卽他玩好不能入從此攝伏身

四明叢書

第四集序

十二四明叢書

約園刊本

心自然有益及門之士履滿其戶正德六年授翰林編
修值權奸迭起乞補近地儒學官授廣東提學副使以
釐俗作士爲己任嘉靖六年起復山東提學遷南京右
通政其詩文直寫己意不崇華飾作世俗語而典雅確

實克禪世教云

鄭志
本傳

皇極經世觀物外篇釋義四卷鄧

獻表作皇極釋義浙志入經部通經類經義考入擬經
自序曰數之淪於術久矣逮邵子始返於理其說悉本
之易先天圖精微深玄妙及天人之際惜其學不傳本
學於此已逾一紀深維觀物外篇出自其門人惜紛亂

無緒張文饒吳草廬雖嘗校正尙多脫誤本重加攷定

遂條爲之解以備觀覽

鄞藝文志

豐坊字存禮熙之子少警敏長談經史辨證鑿鑿於天下書無所不讀嘉靖二年成進士授禮部主事明年隨其父爭大禮上怒甚受杖闕下父旣遣戍調坊爲南京考功司主事左遷通州同知歸家乃欲以著述自見撰五經世學書學極博五體竝能諸家自魏晉以來靡不兼通規矩盡由手出蓋工於執筆者暮年寄居蕭寺往往絕食臨池之興勃如也長洲文徵明深契坊書每曰

四明叢書

第四集序

十二四明叢書

約園刊本

豐先生無一點一畫不自古人中來其重之如此

鄞志本傳

書訣一卷弇州四部稿作筆訣采古入法精語時時傳

以己意

王世貞弇州四部稿及鄞藝文志

而尤注意於篆籀又排比古

人能書之家評其次第

清四庫存目

陳東字約之號后岡好古書汎濫百家日誦數千言嘉靖八年成進士授禮部主事遷員外郎改編修時有嘉靖八才子之稱謂東及王慎中唐順之趙時春熊過任瀚李開先呂高也性亢潔不喜逢世璫受上殊寵朝士盡奔走東故出璫籍門終不一折節出爲湖廣僉事

遷福建布政使參議又遷河南提學副使當嘉靖初稱詩者多宗何李東與順之輩厭而矯之倡爲初唐華而

不靡

鄞志本傳

后岡集二卷詩集爲順之所編皆嘉靖甲午

乙未丁酉之作其餘僅寥寥數首文集爲張時徹所刊

分京楚關洛四集初刻於吳郡此本乃萬曆中其同邑

林可成所校刻也

清四庫存目

自序其詩云散吏五溪之上

逢人九曲之閒體非具詞詞不詮次命曰無奇集云耳

鄞藝

文志

楊承鯤字伯翼嘉靖二十六年進士歷官提學御史貴

四明叢書

第四集序

十三

四明叢書

約園刊本

州布政使左參議大理丞太僕少卿少嗜書尤喜讀班

馬二史工於詩爲人守古獨行於當世少所許每謂是

是非非賢賢黜不肖古今儒者大權斷斷不可枉名滿

京師旋即歸里於城南小築曰翫園日歎詠其中文章

高妙少善書法蕭疏似晉人論文謂先民有作穀率存

焉不入穀率雖工無當也論詩厭薄王李

鄞志本傳

傲骨嶽

崎不可一世

屠本峻碣石編序

西清詩草四卷抱經樓藏本以

乙亥至丙戌分年凡三冊碣石編二卷並見徐與公書

目

鄞藝文志

各有言碣石不如西清之雋永西清少遜碣石

之沈淨蓋兩集各傳色澤之葩各具頡頏之韻客之所

言未是通方矣

屠本峻碣石編序

楊德周字南仲一字次莊以萬曆四十年舉於鄉官金華教授崇禎閒爲古田知縣甫下車卽榜懸門曰所不與民伸冤抑而任意低昂者誓不生還政暇集士登高賦詩遷高唐州知州致仕魯王監國以尙寶卿召不赴性嗜學問業於黃道周晚與王嗣爽葛世振爲汐社三老嘗賦新稻詩曰曾孫穡事周京盛不救西山兩餓夫讀者傷之

鄞志本傳

銅馬編二卷見徐興公書目

鄞志文集

四明叢書

第四集序

十四

四明叢書

約園刊本

乃其崇禎中爲古田知縣入覲京師往返記程之作上卷冠以北征記次以北行諸詩下卷冠以南征記次以

南旋諸詩文格頗歷落自喜

清四庫存目

偶翁管天筆記外編已著錄

見叢書第一集

夷困文編六卷自

題云客治三年一年作吏遭時險難不暇修辭西牟蒙難句臆約結無意修辭信手疾書意盡詞止

王嗣爽自題夷困文

編續起

又云某無他行能任眞獨往論正學謂聖至夫子

而極儒至朱子而極學道者斷斷乎當取紫陽以入夫

子之室又云不敢欺人抑且不敢自欺

王嗣爽寄馮鄰仙書

周齊曾字思沂一字唯一號囊雲爲文擺落華藻自抒
所得崇禎十六年登進士知順德縣民歡呼爲周青天
棄官歸至浙東則百城內附聞吳麟徵黃端伯兩房師
皆死國難遂遁入剡源盡去其髮而爲髮塚自稱無髮
居士性耐勞苦暇則戴草笠曳芒履荷杖擔囊與山農
野叟徜徉於青松白石閒裏足不入城市所著詩古文
詞高清曠逸絕去煙火

鄞志本傳

囊雲集二卷補遺一卷煙

嶼藏本浙志作霜聲集

鄞志文志

方寸湛然未嘗有所擬議

故其下筆能刊削一切單言片句不蹈前人

李鄴嗣囊雲集序

四明叢書

第四集序

十五

四明叢書

約園刊本

黃宗羲字太沖經史百家無所不窺盡發家藏書讀之
不足則鈔之同里世學樓鈕氏澹生堂祁氏南中則千
頃齋黃氏絳雲樓錢氏且建續鈔堂於南雷以承黃震
之緒先是山陰劉宗周倡道蕺山以尊素遺命從之游
時越中承海門周氏之緒餘援儒入釋陶奭齡爲之魁
姚江之緒大壤宗羲約吳越高材生力摧其說故宗周
弟子如祁彪佳章正宸皆以名德重而四友禦侮之助
必首宗羲弟宗炎宗會並負異才宗羲自教之有東浙
三黃之目

餘姚志本傳

少從父忠端公學於甬上

袁鈞甬上寓公傳

四明山志九卷自序云余往來山中嘗有詩云二百八十峯峯有屐痕因以足之所歷與記傳文集相勘每抵牾失實歲壬午作癸丑重爲改竄始得成書

黃宗羲四明山

志自序

萬斯備字允誠一字又庵爲人和平長厚篤於兄弟之誼亂後隱居不試壻於李氏婦翁杲堂先生愛之相依二十餘年昕夕相唱和杲堂尤稱其五律搜索意匠疏理血脈一字一句無不雕琢且自以爲不如嘗有詩曰偶然題得驚人句爲喚吾家萬楚商及輯甬上耆舊詩

四明叢書

第四卷序

十六

四明叢書
約園刊本

先生搜訪之功最多如全白雲李中林詩葉鄭昶晚年詩吳鼓和胡百藥詩皆先生所得先生書法極工兼精

篆刻所著有深省堂集

全祖望甬上續耆舊集本傳

奇酷處直逼杜

陵

李郭嗣御李集序

卓然能自成家者也

鄭梁深省堂集序

管村有孀

居孫婦傅氏能藏先生之集亦足以報先生矣

全祖望續甬上

耆舊集本傳

石園石經考宋季忠義錄儒林宗派已著錄

見叢書第一二三集

明史稿五百卷皆出先生手定雖其後不盡仍先生之舊而要其底本足以自爲一書者也

壽鏞案吳興劉氏嘉業堂藏舊鈔萬

季野明史稿六十冊確非贗本屬王君邁
常與王鴻緒刻稿一一勘比已校五冊 崑山徐侍郎

乾學請先生纂讀禮通考一書上自國郵以迄家禮十

四經之箋疏廿一史之志傳漢唐宋諸儒之文集說部

無或遺者又以其餘爲喪禮辨疑四卷廟制折衷二卷

讀書五行並下如決海隄方侍郎靈皋曰萬先生眞古

人所見前輩諄諄教人爲有用之學惟萬先生耳

全祖望續

甬上耆舊詩本傳歷代紀元彙考五卷培林堂書目作八卷續

甬上耆舊傳作四卷鄭藝文志起唐帝堯元載甲辰迄明崇

禎十七年甲申四千年之閒以年爲經以歷朝考爲緯

四明叢書 第四集序

十七四明叢書

約園刊本

令人一展卷而年代久近一統分割禪繼正僞瞭如指

掌亦史學之一班也

溫睿臨歷代紀元彙考序

石園詩文集二十卷劉坊撰行狀全祖望撰傳俱作詩

文八卷

鄭藝文志

季野非急以詩見者也感時觸物常出

其性情之不能已者

鄭梁石園詩彙序

先生遺稿寫本二冊號

石園藏稿首列劉氏行狀版心題季野集後有男世標

子建校梓一行蓋欲刻而未果者

鄞縣第八區文獻分會移送志料書

萬經字授一號九沙少隨諸父讀書黃宗羲申明蔽山

之學經與聞其教又嘗學於應攜謙閻若璩聞見日富

兼工隸書康熙四十二年成進士入翰林改編修時方苞以株連之禍被禁莫敢保出之者經奮然送狀西曹遂釋之魏耕集爲人所冒購而正之又續輯其父禮記集解春秋明義二書杭城大火燼焉鄞志本傳分隸偶存二卷上卷首作書法次作分隸書法次論分隸次論漢唐分隸同異次漢魏碑考下卷爲古今分隸人名氏所列漢魏諸碑雖止有二十一種而考證剔抉比諸家務多者亦較精核

清四庫總目

史榮字漢垣一字雪汀精小學喜讀注疏熟於十七史

四明叢書

第四集序

十六四明叢書

約園刊本

及文選性狷狹與人少可工學篋書及篆刻榮有同聲集所有唱和者張鯤字象厓童鉉字玉如汪鏐臺字彭年柳維新字味莘陶淑字禮庭范徵獻字可欽范炳字文虎仇啓崑字貞肇諸人鄞志本傳風雅遺音四卷自序云朱子作集傳惟不信小序耳其於傳箋及孔疏義訓相仍者殆十之五六豈反置釋文不用哉然而今本所載之音非惟與釋文乖并集傳中語時或背之則非朱子手定明矣爰檢釋文及諸字韻逐一考訂總爲一冊名之曰風雅遺音

史榮風雅遺音自序

雪汀沒後其門人毛氏兄弟

所刻者也紀昀審定序云獨惜其不知古音故叶韻之說多舛誤又門目太多辨難太激重爲編錄汰繁就簡棄瑕取瑜較之原書似爲完善

紀昀審定風雅遺音序

陳撰字楞山號玉几僑居錢塘性孤潔不肯因人以熱

著書最富精賞鑑乾隆元年徵舉博學鴻詞不赴撰有

逸才書畫絕摹仿每一紙落人閒珍若拱璧

鄞志本傳

玉几

詩集三卷湖海詩傳輶軒錄作玉几山房吟卷

鄞藝文志

撰

以書畫游江淮閒窮愁寡合故其詩多悽斷怨咽之音

清四庫存目

四明叢書

第四集序

九四明叢書

剡園刊本

謝山漢書地理志稽疑已著錄

見叢書第一集

又有讀易別錄

鄞志本傳諸經之中未有如易之爲後世所錄者舊史之志

藝文蓋自傳義章句而外或歸之著龜家或五行家或

天文家或兵家或道家或釋家或神仙家以見其名雖

繫於易而實則非也今取其所自出之宗暨其流演之

派釐然別而列之庶乎使正閏之不淆云

全祖望讀易別錄自序

盧鎬字配京號月船鎬少奇穎偕同里楊爾音遊好蒐

討僻書奇字未幾棄去從史榮研究經史既又執贄全

祖望門下祖望每歲客遊假大江南北藏書家鈔本摺

載數百冊而返鎬與諸同學遞閱之而鎬一日可盡數

卷由是貫穿百氏乾隆十八年舉於鄉赴南宮試秦蕙

田王鳴盛號稱博雅見鎬皆以畏友待之授平陽學教

諭諸生來見輒以經史語之不雌黃人物鄞志本傳月船詩

稿四卷湖海詩傳作月船居士集鄞藝文志其詩高處逼柴

桑董秉純月船詩序惜不收拾僅存四卷未足盡其長也蒲褐山房

詩話先生浩浩落落含古茹今學無所不窺而不可一世

之概時見於停樽掩卷之餘世莫得而知也黃定文月船詩跋

董秉純字抑儒一字小鈍受業全祖望目爲有用之才

四明叢書 第四集序

二十四明叢書

約園刊本

乾隆十八年以拔貢需次京師久之補那地土州州判

擢甘肅秦安知縣鄞志本傳壽鑑案本傳僅據行狀

後序所言別爲立傳不及其學術宜以黃東井春雨樓集

庶無負先生之志先生既不得志場屋宦西粵西秦

亦不得盡其用其生平所願望且竭其力以圖之者其

事有三結埼亭內外集手鈔互校積數十年之力舟車

南北未嘗不奉以自隨欲壽之梨棗將伯徒呼吾鄉自

錢忠介張忠烈及六狂生五君子皆贈諡許立祠先生

從粵西聞之大喜亟貽書鄉友勸以千鎰建祠而未有

應者寧郡城東有三喉以洩水於江湮沒者五六百年

先生嘗大聲疾呼爲書以告當事卒無任其事者今越中好事家先後盡刻其內外集而外集所校悉遵董木卽先生所定也諸人以二千金建廟學宮右盡附同難諸公又闢其右爲謝山祠水喉故道未定鈔得寶慶志全圖始知水喉所在卽先生所稱東渡門城下者可爲先生快心

黃定文春雨樓初刪稿後序

紅雨樓文稿十四卷一名春

雨樓集

鄞藝文志

其學問人品政績見於文集者班班可攷

衍雙韭之薪傳如李習之皇甫持正之於昌黎

黃定文春雨樓

初刪稿序

四明叢書 第四集序

三一 四明叢書

約園刊本

范鵬字冲一年十五補諸生受業全祖望矢力古學與同里盧鎬相淬厲得一書則更迭讀之閒有所疑折衷於祖望凡學統之分合經術之醇醜史案之異同文章之盛衰正變無不了了鎬精悍鵬濟之以縝密里中書不足供其漁獵則請借於淮東馬氏浙西趙氏嗜學之深罕有足與抗者

全祖望撰冲一墓志及鄞志本傳

冬齋之歿也盧月

船收其遺詩曰存悔集一卷

張恕存悔集序

所爲詩時時有敗

葦枯楊之感

全祖望撰冲一墓志

謝山門下之精文藝者蔣董皆

有著錄張望槎通毛詩李雪坪遂於經著病枕草率皆

散佚而存悔集幸而獨存

張恕存
悔集序

陳之綱字旭峯嘗授徒於盧氏抱經樓讀其藏書學問日富乾隆五十五年成進士官國子助教士之遊京師者多請業其門夙嗜詩古文詞後被火稿無存者晚年著有焚餘草燼後吟詩直抒性真

鄞志本傳

吾四明白皮陸

九題名重寰宇厥後耆舊名宦寓賢代不乏人凡題詠所著隨在俱成勝跡志乘不及徧採先生乞假歸輯古蹟諸作得古今體詩五百首彙爲一帙題曰四明古蹟門下士袁蕙塘校讎付剞劂

李國四明古蹟序

四明叢書

第四集序

三三四明叢書

約園刊本

袁鈞字秉國一字陶軒號西廬執經於贊善鄭虎文勤於學諸生受知於學使阮元撫浙召置幕中才譽日著鈞工詩古文詞且精康成一家之學搜其佚書二十三種編輯之尤留意四明掌故著述甚富有四明書畫記文徵獻徵近體樂府諸書而詩彙百卷搜採尤博自漢至雍乾中凡千餘人足補四明雅集及甬上耆舊集所未備

鄞志本傳

近代學者疾陋儒擺落漢唐遂至厭薄朱子先生則謂朱子鎔鑄羣言於是爲詩經朱傳翼二十卷朱

傳補義一卷讀詩偶記十二卷先生博學多聞迺以窮

老諸生終歿後百年曾孫可煥先以佚書四種付諸剞
劂浙督學瞿學士檄書局踵刊而名乃著於世

袁氏家乘列傳

瞻衮堂文集十卷可煥暨其從弟貶損衣食付削氏讀
先生之集學問文章得其大概

袁堯年瞻衮堂文集序

孫家穀原名家棧字曙舟道光二年進士以知縣分發

山西補襄陵

鄆縣志傳

明於聽斷懲訟蠹絕餽贈循聲卓著

不名一錢丁內艱歸士民郊餞靡不泣下先生少負詩

名與陳漁珊周小厓胡藕灣相唱和篇什甚富

董沛正誼堂集

著有襄陵詩草二卷

鄆藝文志

詞草一卷種玉詞一卷

襄陵詩詞

四明叢書

第四集序

三三四明叢書

約園刊本

目草

王梓材字楚材號臞軒好治經融會漢宋諸儒之說而
求其是尤究心音韻及六書之學嘗謂古人以此爲小
學人人童而習之今則訛謬不可究詰又謂書法盛於
晉唐亦壞於晉唐蓋專講結構任意增損而六書之法
浸失道光十四年以優行充貢考取教習出宰廣東署
樂會縣生平勤著述以黃宗羲撰宋元學案及全祖望
所嘗補輯者而增訂之慈谿馮濠道州何紹基並爲
刊行又成宋元學案補遺百卷

稿存屠用錫家壽鏞一再雋校已將刊竣

祖望嘗七校水經注無定本梓材得其遺稿重加釐正
平定張穆爲覆校刊入楊氏叢書撰著十餘種皆精審

可傳世古文曰樸學齋文鈔詩曰北遊賸語

鄞志本傳世本

集覽四十八卷

鄞藝文志

因見史記索隱集解多引之時與

史記相出入意欲見系本之全未始知系本之卽世本
亦未知世本之已無全書也合尙書毛詩春秋傳國語
國策史記分列古人之姓氏各詳其所自而世本之見
於傳注者亦條載其中以陳氏竹書紀年集證采錄甚
多崔氏考信錄考證多確亦節而錄之爲世本集覽以

四明叢書

第四集序

壬酉四明叢書

續圖刊本

世本爲名者蓋世譜之學以世本爲宗

王梓材世本集覽原起

原

起提綱條例目錄通論

世本集覽

先付削氏以存梗概

袁堯年瞻

袁堂序

包履吉原名顯道字蕉舫號補園其先慈谿人本姓馮
有遠祖諱元相者出爲舅氏後遂蒙其姓而著籍鄞自
少淵默好深湛之思每一藝出儕輩咸斂手中光緒五
年本省鄉試舉人覃思著述浸淫乎史漢汎濫乎百氏
出入韓歐之間冥追孤往神囚形瘁一字不安弗善也

袁堯年補
國權厝銘

先生旣歿之明年弟子湯嗣新爲蒐輯遺稿

案年編錄成上下二卷曰補園賸稿生平所作不自收拾故亡失殆半然其所存者深醇淵雅無蕪雜之弊鄙倍之氣善觀文者當能辨之

湯斌新補園賸稿序

陳康黼字次農號慊夫光緒丁酉以拔貢中式浙江鄉試好訓詁詞章戊戌庚子之後乃求古人經世之書及西歐政法史地之學悉心研治攷求治亂得失之道以蘄適乎時會而期諸設施丙午如京師居一年授雲南恩安縣知縣戊申抵任次年兼護昭通府知府其地漢苗雜處風俗凋敝公以正道直行輒撓其志決意棄官

四明叢書

第四集序

三五

四明叢書

約園刊本

繼應浙江第四中學及浙江第四師範之聘主經史古文講席採擷精要闡明源流以啓迪後進著有古今文派述略摩兕鍵室文集遺言不許刻集

家傳

古今文派自

羣經子外其源皆導於戰國其目一曰周秦二曰兩漢三國三曰兩晉六朝四曰唐及五代五曰宋及金元六曰明七曰清其錄湘鄉曾氏復陳右民書曰蓋論其本則循戒律之說詞愈簡而道愈進論其末則抗吾氣以與古人之氣相翕有欲求太簡而不可得者兼管乎本末斟酌乎繁簡此吾輩所當勉焉者也

古今文派述要

甬上多才皆光明俊偉之士足爲薪火之奇袁鈞甬上寓公傳錄

黃宗羲語而以古人長養磨淬之道更相磨厲與之周旋儒

風大振袁燮遷岷縣儒學記尊所聞行所知可不勉歟王應麟跋袁絜齋答

和仲書世之儒者紛紛藉藉羣起角立於天下如入百戲

之場僮詭跳踉騁奇鬪巧戲笑爭妍非夫豪傑之士無

所待而興者吾誰與望乎王守仁跋本塞源論民國二十五年三

月後學張壽鏞序

四明叢書 第四卷序 三六四明叢書 約圖刊本

四明叢書總目

第四集

舒文靖公類稿四卷附錄三卷

宋舒雍撰 同治壬申舒氏刻本校

雍正辛亥刻本 附錄校煙岷樓徐氏舊稿本

定川遺書二卷附錄四卷

宋沈煥撰 稿本

張壽鏞輯

慈湖遺書十八卷續集二卷補編一卷新增附錄

一卷年譜二卷著述攷一卷

宋楊簡撰 明周廣輯 補編馮可鏞輯

年譜馮可鏞葉意深輯 新增附錄著述攷張壽鏞輯 嘉靖乙酉秦氏刻本校馮氏稿本用毋

自欺齋刻本補新 增附錄著述攷稿本

四明叢書總目

四明叢書 約園刊本

絮齋毛詩經筵講義四卷

宋袁燮撰 珍板本

武英殿聚

袁正獻公遺文鈔一卷附錄三卷

宋袁燮撰 十一世孫士杰

輯 伏附室藏 煙岷樓稿本

鼠璞二卷

宋戴埴撰 本

百川學海本校學津討源

戴仲培先生詩文一卷

宋戴埴撰

江湖後集本

困學紀聞補注二十卷

宋王應麟撰 補注 稿本

清張嘉祿

丁鶴年詩集四卷附錄一卷

元丁鶴年撰 祕室叢書本

琳琅

醫閻先生集九卷

明賀欽撰 藏嘉靖乙丑刻本

吳興劉氏嘉業堂

白齋詩集九卷竹里集三卷文略一卷

明張琦撰 正德癸

酉嘉靖癸
未刻本

聞見漫錄二卷

明陳槐撰
癸酉刻本

蝸寄廬孫氏藏萬曆

拘虛集五卷後集三卷詩談一卷游名山錄四卷

明陳沂撰 伏耐室藏本 後集詩談游錄北平圖書館鈔本

皇極經世觀物外篇釋義四卷

明余本撰 百歲堂陳氏藏嘉靖乙

丑重
修本

書訣一卷

明豐坊撰
畫譜本

依文淵閣鈔校佩文齋書

陳后岡詩集一卷文集一卷

明陳束撰 伏耐室藏萬曆辛卯刻本

礪石編二卷

明楊承祖撰

北平圖書館鈔本

四明叢書 總目

一一四明叢書 約園刊本

銅馬編二卷

明楊德周撰

北平圖書館鈔本

夷困文編六卷

明王嗣夷撰
刻本

蝸寄廬孫氏藏明

襄雲文集二卷補遺一卷

明周齊曾撰
藏煙嶼樓鈔本

伏耐室

四明山志九卷

明黃宗義撰
氏刻本

康熙辛巳吳門黃

深省堂詩集一卷

清萬斯備撰
氏藏舊鈔本

海寧味腴堂陸

歷代紀元彙考八卷續編一卷

清萬斯同撰
哲濬續 光緒丁

酉李氏
刻本

石園文集八卷

清萬斯同撰
鈔本

鄞月峯陳氏藏舊

分隸偶存二卷

清萬經撰
木

乾隆己丑辨志堂刻

審定風雅遺音二卷

清史榮撰 隆庚辰刻本

紀昀審定 乾

玉几山房吟卷三卷

清陳撰 丙申刻本

伏跗室藏康熙

讀易別錄三卷

清全祖望撰

知不足齋叢書本

月船居士詩稿四卷

清盧鎬撰 刻本

乾隆壬子黃氏

春雨樓初刪稿十卷

清董秉純撰 鈔本

伏跗室藏舊

存悔集一卷

清范鵬撰 刻本

咸豐丁巳思貽齋盧氏

四明古蹟四卷

清陳之綱輯 袁氏刻本

道光壬午是亦樓

瞻衮堂集十卷

清袁鈞撰

光緒丁未袁氏刻本

襄陵詩草一卷 詞草一卷 種玉詞一卷

清孫家穀撰 伏跗

四明叢書 總目

三四明叢書

約園刊本

室藏舊稿本

世本集覽原起一卷 提綱一卷 條例一卷 目錄一卷

卷通論一卷

清王梓材撰 本

屠用錫藏 樸學齋稿

補園臚稿二卷

清包履吉撰 本

光緒乙巳湯氏刻

古今文派述略一卷

清陳康輔撰 甬東張氏藏稿本 張世源注

三十七種都二百九卷

四明叢書

四明叢書
約園刊本

四明叢書

四明叢書
約園刊本

四明叢書

四明叢書
約園刊本